



送以員范太守赴固原秦都堂幕

黃金臺高高百尺臺下高歌送行客腰懸寶劍何
所適一笑臨風感今昔起家進士歲屢易粉署回
翔二千石直道從來柳三黜人生遂意安可得躍
馬西秦我馳驛慨念腥羶肆充斥出師奏凱尚興
役我有安邊二三策兵家攻守異損益宵旰求言
恆側席盈虛分合頗昭晰四目分明四門闢君行
歷試頭半白報國長懷寸心赤總制三邊舊臺柏
吐握周公聲望藉運籌決勝計必獲肝膽相孚無

限隔六韜三畧見區畫置戰何須問方格指日狼
烟掃無迹功成執俘兼折馘轅門貔虎累千百始
信儒生真巨擘雲臺麟閣圖偉蹟萬古千秋垂竹
帛

和李世賢斫蟹韻

吳中二老張高筵品題風味誰流傳天津肥美信
無匹玉堂往復金花箋江淮湖海號多種時俗好
惡長占年長安市者比金玉一品十千寧計錢羅
珍具嚼須置此含黃碎白人爭憐延陵老仙不嗜
酒誰遣青衣化烏有海虞雪樵醉如神目闕尖臍
不停手我聞大嚼爲解嘲郭索麩生皆我友海饌
江醪魯直篇二美何須印如斗一醒一醉各有適
布鼓雷門慚擊缶

賦盛醫士春雨卷

故人手持春雨卷索我試作春雨歌當春發生乃
天意膏澤下土爲滂沱古來幹運有良相大旱霖
雨商郊多誰知良醫擬良相力奪造化非殊科地
平天成賴神禹平秩東作存羲和神農岐伯典醫

政晉有醫緩漢華佗古人命名豈無謂此意茫昧
難包羅睽離京國踰廿載走書鼓柁來逶迤入門
相顧兩相笑舊時黑髮今皆皤玉雪爲神鶴爲骨
青藜七尺冠峨峨極知浮雲世事只如昨危言高
論如懸河起予不覺寐而寤清風兩腋祛沉痾藥
囊參朮富行李刀圭入手無停搓上醫醫國此其
是師醫師意非操戈養生視疾有定論授以寡慾
言無他淹留信宿忽言邁繫維無計將如何停雲
一日增我慨拊卷欲作還摩挲春兮雨兮春復雨
載將春雨何時過

金臺話舊爲同僚張憲副賦

黃金臺高去天咫燕昭置金思致士郭隗何心乃
抗言直欲致賢從隗始千年同調者誰人話舊論
心張柱史濟南自古多英豪一時磊落稱四子四
子才豪世不凡心醉典墳非口耳風雲際會誠有
時萬里鵬搏一朝起人生聚散本難期謾說并州
如故里繪圖肖像寫平生三十年來如夢裏張君
宿望總臺端三子歸來覺今是老眼披圖尚宛然

九和堂 卷之一
鐘鼎山林盡堪記交情誰復似陳雷詩禮過庭今
已矣感今念昔增予懷匪獨友篇兼孝理重之三
嘆復三歎爲作短歌聊爾爾

春景琴圖

園林昨夜春風起浩蕩韶華簇花蕊落落長松屈
鐵交泯泯江流清且駛中有兩翁襟抱同富貴浮
雲猶敝屣最愛孤桐斷嶧陽志在高山與流水高
山峩峩歸獨尊流水洋洋渺無涘七絃古意久寂
寥子載知音者誰子王徽閑談入神清白雪陽春
聲應指安得黃金鑄子期坐回雅調皆傾耳

夏景碁圖

首夏炎蒸日南陸萬柳陰濃奪人目芝草琅玕滿
地生黃鳥嚶嚶轉幽谷若人可是神仙流相對圍
碁俱野服枰邊樵子一何愚柯爛不知人代速神
機黑白任縱橫數着聲高撼林木服日餐霞不計
年蓬海壺天路應熟方圓動靜理則微莫問雄飛
與雌伏驅除日月天地寬却晒秦人空逐鹿

秋景書圖

大和堂 卷之一
三
櫻葉青青覆草亭天風颯爽秋冥冥山陰道人忽
相訪濡毫細寫黃庭經右軍初學衛夫人虎卧龍
飛勢不停鍾繇梁鵠晚相遇恍惚雲鶴遊天庭吁
嗟蒼頡既茫昧後來作者誰精靈披圖一字千金
價不覺灑落心孔醒顏筋柳骨未暇論家鷄野鶩
難爲評歷代寶之信有以江右風流尚典刑

冬景畫圖

祝融用事當隆冬萬竿不改瀟湘容伊誰愛画號
能事妙處神傳阿堵中王維山水筆飛動古今名
画誰能同画中有詩詩有画盤礴丘壑生心胸韓
幹馬畢宏松巧奪造化天無功遠又淡近又濃湖
光山色相溟濛從知品画有優劣神思不移斯下
風層波疊巘祗尺素眼力能令萬里空

郭熙山水圖

五日一石十日水郭公揮灑神莫比平遠丹青忽
若無咫尺直須同萬里漠漠遙空六出飛入鏡行
天識者稀玲瓏照耀臨初日浩蕩乾坤物像移青
鞋布襪者誰子俯身騎馬顛崖裏偃蹇虬龍霜雪

姿玄圃蓬壺此形似由來巖穴多異人卧龍釣渭
非隱淪一朝感奮風雲會四方萬國皆陽春吁嗟
此画真難得意匠經營妙難測豈但王維與鄭虔
契丹祁岳俱無色非材授簡失所宜佛拭光寒何
太奇化工筆意兩難貌爲祥聊獻豐年詩

觀魚二

白雲飛處山峒巖眼中萬物皆鴻毛共工頭觸天
柱折堆螺螺擁翠何時歇蓬壺弱水路渺茫中有琪
樹參天長是誰觀水有奇趣浮天載地心相忘石
闌摩空斜點筆梯海何人解驅石鳶飛魚躍祗自
如回首扶桑天咫尺

次韻賦別

弘治八載仲冬月有 詔相度潮河川維時議者
重防守誓將固險空腥羶周宣薄伐豈得已漢武
侈志徒開邊司空識高諳地利司馬望重操兵權
帝心簡在兩付託 龍章煥爛回星躔兼程百里
不踰日肅肅將命罔敷宣是日霜風凍川澤潮河
湍決聲潺湲迅者瀑布噴崖出細者石溜來濺濺

四無尺土盡沙礫歷試三窟皆通泉欲學蘆溝作
川障縱有神鑿難爲堅大哉 綸綍甚周晰增兵
戍守功求全王公才大 廟廊具孤標玉樹臨風
前指揮力議何磊落置之韓范知誰先家聲王且
蓋六合舊物子敬餘青氈承家節操信不忝遼陝
功業人爭傳徐公公卿復前輩童顏鶴髮人中仙
軒然談笑見肝肺文章吏事兼無偏職方健筆有
遺草作藩閩魯淳風還治水東吳樹嘉蹟昔爲巨
浸今良田左予無能步高躅幸曰同事相周旋顧
慚頑鈍藉鞭策使我神爽心冷然有時臨流坐月
下有時陟險凌山巔黃花直至居庸口 皇圖玉
氣真千年觀風圖畫獻 天子知公有疏能回天
區區醜虜未足計所念赤子多顛連願言足兵更
足食大沛鴻澤征徭蠲普天率土息戰鬥飽食黔
黎同宴眠予也驅馳亦無補 虞廷濟濟皆英賢
恨無膏雨濟枯槁惟有憂 國心常懸白頭老母
倚閭望不久當賦歸來篇

同年宴會

已丑同年二百五曲江 賜宴春衫臙英豪意氣
人中龍誓竭丹心奉 明主仕途出處各不齊南
北東西紛路岐浮雲流水杳難定萍蓬踪跡亦參
差高公考績南都至官少司空齒居四棘寺蜚聲
歷省臺玉雪精神 廟廊器熊公最長近古稀虬
髯鐵面魁梧姿古心直道佐司馬甲兵百萬胸中
奇王公戶侍齒居二解刃從容見能事向來水部
東藩功方寸恢恢有餘地顧公右侍齒列三文章
吏事無不堪老成臺望號恬靜興來風月時恢談
張公榜首江西裔子姓詵詵真郅桂黑頭宗伯嗟
長予望汝爲舟巨川濟眇予小子叨後塵兄弟諸
公僅六人才驚齒少髮反白丹青粉繪何其真丹
青信是能傳久相看睦若金蘭友兩京勝會此日
難世契他年期不負回思昔少今皆皤皤者老矣
將如何已丑同登今癸亥三十五年如夢過後視
今今今視昔不朽垂名惟竹帛願言忠孝保前修
莫向榮枯論聲跡

次侍御王原善祖筵聯詠

大和堂 卷之一
祖筵餞君今幾年此卷翰墨猶鮮妍詩壇森嚴萬人敵墨池濃淡龍蛇涎玉堂粉署皆珠履金尊巨筯浮春螿分曹劇飲凡幾筵退食朝回去天咫贈言溫其玉珍重 廊廟方需棟梁用百里絃歌未足多攬轡埋輪天下頌南巡楚越山嶽搖肅清鹽海無塵囂向來淡期信無負臺端屹立瞻孤標逋君此詩慚我後撫卷爲君增歎久荒丘枕塊潮聲寒漫爾續貂能不朽

送楊邃菴都憲督馬西秦

楊公奉使

天邊來沙場牧圉從茲開奚官太僕

久凋喪

廟堂咨議須公材近年邊馬多驚下耗

散大半虛名者曾聞腰裏與龍媒有兮失圉猶無馬三千一六種色新文公僖公代有人開元以來爲最盛誰云馬癖多前身楊公才大被 恩旨寵

遇更非毛仲比軒疑信是出羣姿秉公善政非餘了牝牡驪黃列野槽務農重穀人無勞流沙西極千里至猛氣勇奪金城高氏羗思順胡塵遁春見朝夜來覲舉手加額呼 天王珍貢九夷來八

駿

題陸都闔光前啟後卷

將軍起家列戟久令祖勳名滿人口功高被讒衆
所知白壁青蠅可能垢弓裘步武發賢孫甲兵萬
卷胸俱有昨來持節鎮金山往事劇談逢野叟轅
門貔虎號令嚴復道亞夫屯細柳由來人事本天
公氣數相尋信非偶回觀流輩徒蠢然安得盛名
垂不朽如今受鉞浙西東金印他年大如斗三吳
才士極揄揚偉矣光前還啟後

驄馬行春送李巡鹽

昔年桓典乘驄騎行出千人萬人避京師豪右皆
凜然千載寥寥竟誰繼駟牡皇皇柱史才千里霜
蹄見能事掣電迴鞭散五花逸態雄姿動如意行
行且止非尋常天廐驂驪此無二攬轡徐驅兩浙
東惠愛及人隨所駐始知此馬骨格殊一心報主
兼多智歷塊才高衆所知歛然聲價羣空冀古來
相馬有方臯肯使麒麟在閒地

淇澳棗猗卷爲李世賢賦

瞻彼淇澳棗竹猗有斐君子如切磋瞻彼淇澳棗
竹青有斐君子如弁星瞻彼淇澳棗竹簣有斐君
子如圭璧三章興也胡所美武公德成良有以是
誰筆此淇澳圖大關風教吾所喜初看解籜叢生
時涓涓已負瓊米姿少焉條暢挺巖麓濯濯生意
含華滋再看蒼翠歷霜雪堅不磷兮剛不折清風
掃俗莫敢囂意氣凌空迥孤節終看密比團繁陰
千畝未足論高深瘦餘彷彿首陽餓鏘然或作簫
韶音石城老人好事者愛此風神共瀟灑平生讀
書破萬餘力裁綺麗親風雅玉堂館閣隨所宜冰
壺玉鑑珊瑚枝垂紳正笏具瞻偉自公退食何委
蛇晚登南宮地逾峻德器精純更溫潤從容張弛
文武兼恢恢餘地掃游刃武公之下誰其師維其
有之斯似之衛人託興非溢美我歌此歌無愧詞

素菴

若有人兮山之阻結幽菴兮號曰素好朴野兮不
色繪而尚聖審容睞兮惟吾力之所措山遙遙兮
望超然之白雲水泠泠兮俯翛然之白鷺八荒一

闔兮涅緇塵而不汗清水萬壑兮注玉壺於寒露
瓊臺崔巍兮雖信美而弗慕虛室偃仰兮老冉冉
其將暮以生以聚兮畢尚平之嫁娶惟簞惟瓢兮
耻平泉之石樹齊彭殤於一瞬兮喟宇宙之形寓
吁嗟世俗溷濁兮美惡相妬文詞綺麗兮大道修
蠹紛總總其難兮今棄周鼎而寶康瓠吾博覽於
四方兮反吾車於正路從質以就中兮豈捷路而
窘步先忠信而後繪事兮固大賢之覺悟吾私淑
千載兮庶不改乎厥度噫乾博厚以爲宮兮仰高
明以爲廬四方上下備物致用兮廬吾宅之安如
守先儒之格言兮斯吾有之故居

行臺春意爲侶吏部賦

江南人家多種竹誰遣清風滿湘幅此君一日不
可無寧使居常食無肉是誰畫者中丞公烟雨蛟
龍互追逐渭川千畝羅心胸南山萬竿撐我目持
贈同官意頗濃價重荆金與藍玉行臺對此趣復
嘉驅盡囂氛絕纖俗霜飛白簡山嶽搖隨處陽春
滿蔀屋一時枯槁氣盡蘇萬彙熙熙生意足功成

九和堂 卷之一
旋珮鳳池頭坐鎮東曹秉鈞軸

壽史天瑞

有美人傑今甫申山川秀毓姚江濱蚤擢賢科立
要津堂堂正氣諤諤臣周來花甲今六旬朱顏鶴
髮神仙人文章妙絕詩入神丹青寫竹能寫真都
臺昔日能圻廵令行六郡民風淳 帝心簡在思
臣隣司空召入 恩寵新五月正值懸弧辰高堂
燕喜皆儒紳冰盤玉甕羅羞珍賀詞珠玉無凡塵
我忝同年意氣親願公期耄同莊椿夔龍接武信
有因坐看百福仍駢臻

送周原已還吳次韻

春陰漠漠春夢醒緬懷遠道六愁生江湖滿地不
可越 廟堂北望空馳情美人况我平生舊萬卷
經書腹中有金臺一別到金陵分手未幾仍握手
三年鄉國心屢違依然綠竹青山扉高堂甘旨未
二云薄晝遊豈必斑斕衣江南三月春未老爛熳春
遊應絕倒聞今館閣待才人早期徵人 明九草

獨山爲侶尚書

鄆城四面皆平陸北有孤山屹然矗峻嶒直欲摩
蒼穹巉絕光疑撐地軸主人劉恢夙愛山下築幽
居傍山麓別來寤寐如見之坐閱流光何迅速山
耶人耶吾兩忘聊以山色寫心曲 廟堂謝政賦
歸來依然青山吾意足世間萬事總浮雲吾與北
山成一獨東籬采菊興悠然千古何人繼遐躅

三忠祠

昔年曾讀三公傳今日復謁二公祠三公去世已
遼邈異代同祠作者誰維昔先主漢室胄南陽卧
龍王者師殷勤三過契魚水感激受命相驅馳才
能負出管蕭右十倍曹丕天下奇誓吞吳魏復漢
業天不祚漢空齋咨高宗靖康當世叔挺生大將
岳武穆垂手燕雲慷慨言勢薄金兵如破竹復讐
雪恥功垂成奸檜主和心思愿極詔班師失事機
忍棄中原構誣獄陵夷德后重可悲文相崎嶇再
造時間關嶺海徒興復大事已去何能爲祥興主
公被執夷齊耻食周家粟廬陵絕粒思首丘拘
囚燕京身不屈從容就死南向地君臣義盡仁斯

至大風揚沙晝晦冥聖賢所學期無愧三公出處
各不同以身徇國皆由衷俯仰天時與人事壯心
激烈憂冲冲星芒墮營固其數季葉如綫難爲功
切齒姦邪肆欺視大失民望荼精忠君不見周公
好誼江湖踪鼎新廟宇都城東肖像千年儼生氣
高山仰止餘清風我來瞻拜索我歌我歌才薄其
奈何三公偉蹟炳青史萬古綱常耿不磨

戲嬰圖爲侶尚書賦

周南王化關雎始螽斯麟趾多公子繩繩螻螻復

振振福履綏之良以此綠白華衣何所作以物比
物固有託尊尊卑卑失所宜思古嘯歌心匪薄流
傳季世至天寶哲王家法真如掃祿山宮中賜洗
兒錦繡無端爲襁褓虢國諸姨爭售巧綵輿喧笑
忘昏曉連昌花萼樂最多不道漁陽變先兆吳興
画者亦何意依稀摹寫前朝事自稱筆法妙天機
誰識天機在兒戲由來此意識者少欲學斑衣空
夢悄惟餘赤子一寸心持報君親情未了

集勝山爲項揮使佩之賦

項侯集勝山何作画棟翬飛照城郭
李門高面勢尊聚景朝陽何磊落
細石可渠泉可沼斜豎葱青及幽眇
君不見太湖聚石白公記尤物纍纍
今甲次平泉醒酒不足論淵明醉石
同風致又不見古稱喬木人所愛
召伯甘棠尚如在晉公手植三槐庭
果見三公來繼代君侯作者良有意
壽考娛賓見徽志太平偃武聿修文
祭遵俎豆歸能事語云仁知樂山水
不在山林在城市嚴翁仙逝有遺蹤
孝子瞻雲在桑梓登堂把酒歌且舞
滿目穠纖難縷數柱史高文細品題
予言掛漏何足取

江樓春霽圖爲史都憲賦

東風吹斷春江雨物色融融滿江滸
京口曾聞鐵甕城北固樓高渺何許
三吳襟帶百越關形勝從來堪用武
登樓眺覽景最多源自崑崙衆山祖
分明錦繡作山川况是鶯花好風土
長江天塹滾滾來澎湃潮頭射强弩
霏微烟霧逗空青萬草千花映林塢
潮生潮落自晨昏兔走烏飛互吞吐
星馳霧掃倏忽殊萬斛之舟行若羽
江到中流却有山

屹立金焦爲砥柱山經地志頗浩茫爛熳闔張紛
莫縷巍巍端重儼冠峩落落翻翻疑袖舞雲藏變
化似盤龍風嘯威稜如鬪虎壯哉造化營腴工信
是神明所培祐江流不斷山巋存惟有江山自今
古符堅投鞭何太荒祖逖擊楫空誇詡六朝三國
安在哉寸地尺天歸 聖主茲樓突兀輦斯飛結
綺臨春何足數我昔南遊一再登長風送我朝
天府憑高凝睇恣冥搜物色川原良膺膺不須世
外訪神仙浪說瀛洲與玄圃披圖恍惚似曾經歷
歷江山在庭戶但恐洪鈞氣未周猶有陰崖待和
煦只今 廊廟需棟梁維岳降神申與甫坐看民
物登春臺散作歡聲滿寰宇

岩獅隱霧

藜杖行行日將暮山色昏沉起烟霧四郊不見往
來人奔走熊羆匿狐兔山頭隱約後猊形銅頭鐵
色驚山靈向前拭目無所見怪石獨踞層崖青

松鶴圖

仙翁興味何瀟灑許身自比巢由者迥然塵表鶴

爲羣樂矣山中松作社腰纏不羨登楊州徂徠只
尺連丹丘相看千載未云老上下天壤俱同遊

屠康僖公文集卷之一終

屠康僖公文集卷之一目錄

五言排律

送沈觀瀾任泉州守

輓謝維時繡衣父母

七言排律

凱還圖爲叅將周廷玉賦

送董太史兄謙叔任嘉魚訓導

送鄭公輕黃門寧親

瑞蓮次周司徒韻三首

七言絕句

題畫

戲書洪宣之扇

小畫

和金尚義九日憶山東諸弟

和王昌齡送李浦之韻

和韓渥秋夜懷兄韻

酬沈元節十二絕

詔相度潮河川十絕

秋江罷釣圖

畫鷹

題劉尚文芝蘭呈瑞卷四首

桃花圖

歸山十詠次句容戴以德御史韻

攜琴圖

題松寄李亞卿德馨

枯木竹石

題莊儀浦雲山圖

憶友

寫竹圖送表倫王尚書南京禮部二首

次包汝調韻

橋梓聯芳

送湯半村訪弟南還

帽塢籠烟

畫竹

題梅

蘓堤春曉

柳浪聞鶯

六橋烟柳遺

花港觀魚

南屏晚鐘

麴院荷風

兩峰插雲

平湖秋月

雷峰夕照

孤山雪霽

蓼花灘鶯圖爲馬方伯題

題馬方伯福壽圖

題曹魏武觀碑圖

題蔣文藻扇

題李石城梅

題計廷策延陵懿範卷

題諸半菴漁父便面

題李克成山水圖

題翠岩贈僧宗蕃

竹石圖

題倪月湖釣魚便面

題顧復卿一鷺功名扇面次呂九柏韻

五言律詩

郊祀齋宿和林待用韻二首

寄沈文進僉憲

感秋次李西涯韻二首

送馮佩之二首

贈李工部時器陪陵祀

輓李彥明父

奉天殿侍宴 慶成

送高長卿考績

觀畫

蔓菴爲陸廉伯賦

夜坐述懷

贈醫官張瑩

題向行人忠孝堂

輓劉存仁同年行人

輓戈繡衣父

岐鳳朝陽

鄱陽送馮提學

輓孫文冕僉憲

輓江陰夏希明

寺庭芍藥漫成

輓陳明遇節推次呂秉之韻二首

具慶堂

輓李守貞

連珠池上酌別

半村小隱爲湯公

題澤上人雨菴

題海上人雪菴

吳僉憲觀海值雪二首

題秀上人雪江卷

題顧煉師愛雲卷

題莊立之別號鉏雲

七言律詩

題劉景元編修嘉會堂

題商閣老怡老堂

送張尚綱寺丞弟尚文

送清江船廠曹振千戶

題心遠卷

金臺餞別

送林朝信憲副廣西

壽商閣老

送盛少司寇弟時正還無錫

壽王世賞編修三首

題鄧編摩煖秋臺瑞瓜

送沈進士林知晉州

送湯侍御弟輅還句容

送憲副張廷芳次韻

送林恆肅展墓

送林黃門使暹羅

送傅中舍告病南歸

壽姚夫人七十

碁墅爲邵文敬賦

送徐公傳告病南歸

送柳中舍歸省

題萬司空朴菴卷

送邵文敬思南

送王成憲司訓歸崑山

送陳宗器郎中友竹卷

用韻送陳宗器

賀王世賞生第三子

思補爲畢玉知縣賦

寺遊和韻二首

自詠

壽董侍讀

賀郭子美遷居

遊西郭園池二首

賀仲維馨生孫三首

壽李世賢父母

送李文明岳州

和陸職方清風倡和卷

疊韻詠馬

雲隈竹塲

雪嶼梅岩

院落晨暉

幽庭夕照

乾岡草亭

東臯勝井

園卉騰春

遠山霽雪

和韻二首

送李貞伯駕部

題冀文華弟池塘春草圖

和李西涯遷居

限韻遊西山諸寺三首

遊焦山

和楊應寧韻

登壯觀亭次楊應寧韻

過淮陰憶葉崇禮

寫懷

奉屠朝宗都憲

答何司寇

和曹時中憲副見訪

觀演武

拘幽三首

送陳郎中道任南兵二首

和夏正夫憲副韻

和掃雪煎茶卷

送毛以德赴南監

蟠桃

壽馮原孝乃兄原誠六十

送侶少卿巡郊畿二首

輓明仲羅君父母二首

和董侍讀送司馬通伯韻二首

讀鄒氏奏議

和馬天祿秋懷二首

金山夜臺爲徐用和賦

玉屏朝綵

賀李西涯次韻

送呂秉之南歸

清節遺芳輓楊中舍父

向陽書舍爲費司業賦

帶溪環綠

峻嶺行龍

送李德馨同年

和王世賞殿講陞官韻

送劉時雍

輓莊侍郎

和柳拱之楊應寧聯句韻六首

壽江文湍編修母

送林緝熙掌教平湖二首

有懷二首

題望雲思親圖

和陳玉汝玉延亭韻二首

午日玉延亭宴集限韻

夜飲陳玉汝黃門宅限韻

送天寧敬堂任持

題章黃門鑑畫菊卷

輓翁司徒

送郭都憲左遷射洪

送過太璞憲副江西

送友人歸山

賀鏡川楊學士誕

送黃良璧亞叅赴湖廣

挽邊都憲父仕遠公

送馮佩之提學二首

題胡氏賢行傳

麀尾壽周原已父

送屠朝宗都憲總督五嶺

次林待用左遷姚州倅韻二首

送卜從大

怡蓮

送張憲副廷芳二首

送石宗海提學江南二首

懷張廷芳

玄孫男 官孫 校刊

懋和

目錄

大和堂

卷之二 目錄

三

屠康僖公文集卷之二

五言排律

送沈觀瀾任泉州守

西省稱多士如君更老成
異才應問世清望足蜚
英鎮靜心無跡孤高日
有名詩精唐格調法重漢
權衡論事由肝肺忘形
向友生謬知從事拙微分
辱心傾簡擢恩殊渥承
宣任匪輕丈夫官刺史
循酷繫時評迢遞關南
郡蕭條薊北程青冥快
孤翮旭日照雙旌忍作
三秋別還看五馬榮過
家從

大和堂 卷之二
道便候吏喜郊迎借寇聞歌異徵黃看陟明此邦
真樂土吾屬亦之氓莫忘臨岐語須知別後情

輓謝維時繡衣父母

潭水通橋渭溪花帶艸堂跡高人罕竝閨秀闕相
當謝眺家聲遠熊襄族譜長好述歌窈窕懿行各
芬芳著易多奇字傳家有義方西川名不忝北郭
計何良諧老終難託移天却可傷歲辰嗟鄭老晚
節重共姜白日空餘照寒衣不更香丸熊資誦讀
采澗潔蒸嘗入座明珠爛昂霄彩鳳翔乘時真奮
發 封誥極褒揚珠翟情何限魚軒樂未央生榮
存孝理死贈亦輝光梅實虛千載萱花未百霜倚
門今寂寞陟岵益淒涼天地恩高厚江湖路渺茫
青山同舊穴垂淚表龍岡

七言排律

凱旋圖爲參將周廷玉賦

碧山環疊控居庸迤北峯巒入杏濛地接燕臺仍
上谷天開禹蹟帶崆峒平看鷄嶺秋寥廓高挹龍
門氣鬱葱統幕星辰窺夜象穹廬冰雪迓春融王
風遠被輿圖外夷族都歸宰御中經濟明堂森紱
冕指揮方鎮儼熊萬家安堵桑麻徧九譯來庭
玉帛充覆載于今同煦育犬羊何似獨頑懵塞峯
夜報持驍騎廟鉞晨頒簡 帝東周室干城當重

寄漢臣籌策有全功
鷹揚朔漠軍容壯
鳥避轅門殺氣雄
坐上虎符專節制
手中龍劍倚穹窿
古來衛霍名猶在
今日孫吳業許同
喬出東安誇奕葉
心懸北極見孤忠
嚴霜逗冷穿犀甲
斜月流輝射角弓
刁斗聲催胡膽落
旌旗影拂虜塵空
奇謀制敵推行險
勇力先鋒重呂蒙
勢滅腥膻真破竹
威加艸木盡生風
螳螂已折飛轅臂
狡兔難逃舊穴踪
長戟持俘來部下
遊兵分節亘湖東
陣連榆嶺烟雲黑
血濺天山野燒紅
柱史攬槍妖盡掃
可汙突厥種皆窮
伏波未厭驅馳老
充國何慚寵遇隆
歌凱三軍歸馬逸
奏功千里捷音通
人爲鎖鑰皇圖固
閣畫麒麟世閱崇
燕領侯封占異相
錦袍宮製賫元戎
絲綸雨露褒揚盡
帶礪山河錫號豐
俯仰此身增感激
五雲東望祝堯松

送董太史兄謙叔任嘉魚訓導

我從太史識荆初
每爲寒暄問起居
夜榻興高嘗刻燭
曉衙情到幾回車
客遊薊北經年遠
官拜潮南萬里餘
誰道衡陽無過鴈
須知丙穴有嘉魚
講

九和堂 卷之二 四
壇紅杏時分席鬢舍青燈細勘書翼翼廟庭陳俎
豆洗洗弟子肅冠裾坐移槐影寒生帳采罷芹香
綠映渠蟬噪蛙鳴供雅樂蜂屯蟻雜爲肥梳材成
梁棟官非冷囊富文章業未疎桃李春風裁欲遍
先生此樂樂何如

送鄭公輕黃門迎親

皇明正德統元日徧告羣臣祀典優南鎮威靈奠
中土會稽山水控諸州禹功永賴宜存廟宋祚中
遷况有丘香幣明禮文肇漢牲醪裸獻禮從周君
當奉使光生祖人望登仙恨不騶日映綠衣持節
在風回畫鷁及春遊胸中史記藏吳越天上星槎
近斗牛 紫禁暫辭情渺渺孤雲凝睇思悠悠交
隣傾蓋皆青眼親憶承顏共白頭歲晚莊椿能不
老堂深萱艸解忘憂烏紗珠翟相輝映棣萼荆花
謾勸酬擬借南山歌雅什願傾北海釀新筩壽觥
拜舞須延竚 王事驅馳敢滯留共說蟠桃重結
實還看海屋更添籌忠臣孝子行兼盡遲爾迨歸
侍 冕旒

瑞蓮次周司徒韻三首

盆盎芳根種有期翻翻翠蓋影淪漪紅雲水上無
蹤覓玉井峯頭費我思可是天機難自料由來物
候果誰司心藏七竅泥何浣葉疊千錢氣未遲綽
約有情霞耀彩娉婷欲語露含滋任渠雅麗應難
比爲國禎祥不用疑試看兩心生並蒂更誇一本
屈連枝宮粧濃淡非緣雨野色清涼豈藉颺迥出
塵埃真異種不隨桃李是真姿恍如湘浦雙妃瑩
又是雲間二陸奇淨植合崇周子說碧筒曾吸鄭
公卮玉堂仙侶遊應慣秋署忙官趣未知麥秀兩
岐堪並紀禾生合穎可同詞地曹利澤源源布元
化栽培在在施獨愧非才難屬和強將俚句答
明時

再疊

司徒家慶兆花期濯濯孤鮮映綠漪遶砌清香君
子葉涉江來掇古人思休徵可卜公侯繼和氣寧
非造物司共道靈根枝發早惟應僊果子生遲遮
攔不怕風塵垢潤澤長承雨露滋着眼有時思在

遠凭欄幾度自沉疑漸看戢戢排羅蓋頗覺亭亭
露玉枝先後透泥呈麗質輕盈出水拂涼颺雙華
並秀非凡蕊兩葯駢芳信異姿籬菊有香難共美
水仙雖好未同奇琉璃影轉翻瑤珮錦繡屏開醉
酒卮泰始合跗人共識天泉同榦世誰知雪霜太
華韓公句菡萏西湖白也詞貞潔真同冰玉操孤
芳不借粉脂施欲追瓜瓞綿綿詠把玩秋房敢後
時

三疊

百年嗜好此襟期夏日高軒面水漪我憶三吳曾
入夢公憐淨友謾勞思且從兩地觀花實定兆三
公是鼎司灑灑盆池生意在娟娟羽蓋化機遲分
明合浦含珠媚彷彿修林帶碧滋銀架洩香真絕
勝金蓮貼步恐傳疑波涵後葉催前葉雨浥新枝
換故枝濃艷滿缸開曉霽幽馨入座雜輕颺冰絲
玉節元無滓秋月風神別有姿一榦雙房祥已異
公庭私地事尤奇豪吟有客投瓊句勝賞憑誰把
玉卮曲水追歡當日事瑤池仙種幾人知未由買

棹耽坡興欲緝爲衣玩楚詞自許心貞同玉雪誰
云容冶類嬌施吳歌楚調知多少唱和臨秋倍感
時

七言絕句

題畫

花潭竹嶼傍幽亭欵乃漁歌落遠汀坐看南風轉
蒲葉滿天涼影醉初醒

戲書洪宣之扇

霜冷疎林昨夜秋碧山明月壯孤舟美人千里無
佳報夢繞西風十二樓

小畫

浦雲烟樹路盤紆白首青山興不孤我亦有亭歸

未得東風長爲長蘼蕪

和金尚義九日憶山東諸弟

節到重陽怕風雨閉門獨與酒杯親莫言旅邸無
知已猶有黃花作主人

和王昌齡送李浦之韻

浮萍踪跡任東西望斷鄉關意轉迷客裏光陰容
易過不知花落又狼啼

和韓渥秋夜懷兄韻

風雨瀟瀟正憶兄無端清夢繞承明誰云白髮

偏能重銷盡年光只數莖

酬沈元節十二絕

印解潮陽十二年病攜琴鶴是真傳昌黎老去無
山斗剖竹今來更幾賢

珍重棫詞意外求鄉評何必問東丘江雲一夢三
千里直上元龍百尺樓

吳門迢遞隔燕臺曾說千金市駿來今日龍媒滿
原野憑君駕馭識良才

西水橋邊再會難雨床何日旅愁寬鴿原回首心

九和堂 卷之二
千里苦塊知君夢未安

吳門薊樹各風烟五載睽違夢寐然聞說江山憔悴甚知君收拾在詩篇

江上梅花逐夢生草堂詩景雪初晴北枝畏冷南枝暖可是東風亦世情

東依桑梓東溟遠北望雲霄北極高自許作官心似水豈應憂世日長蒿

夢魂飛落謝池邊旅食京華又幾年若問萍踪何日定此生端合任皇天

空堂獨坐鳥啼時竹樹涼生暮雨悲欲贈所思關路遠幾回高詠四愁詩

亂山重疊帶斜曛春樹迢迢接暮雲一上高樓思無極天南天北大江分

昭陽歌吹數聲傳樓閣薰風思颯然却憶故鄉行樂處清溪一曲芰荷天

美人何處渺烟蘿萬里青天一鳥過縱有瓊瑤堪寄遠相思不見奈愁何

詔相度潮河川十絕

憶昔封山與濬川壯哉關塞控三邊周巡自愧無
長策憂國先祈大有年

疋馬肩輿涉大川川流泱泱浩無邊還朝封事
如增戍不待成橋可萬年

浪說成橋保障川橋成未必可安邊逢人莫話成
橋事驅石應須動萬年

一派潮河會百川謾勞鞍馬駐河邊捨城七寨都
修葺盡說今年勝去年

潮河西去此山川怪石高低遠近邊險阻風霜皆
歷遍煩君傳與我同年

不信夷心險似川誰如頗牧善籌邊兵家夜識風
雲氣正是中原破虜年

纔過東嶺又西川月色灘聲共客邊怪底寺前黃
葉下故將詩酒送殘年

析聲燈影滿前川盡日驅馳直到邊聖主欲詢
征戍事苦寒衣甲自年年

處處高山處處川擁旄分節柳營邊傍人指點陰
厓雪已卜明年是稔年

舟楫誰能濟巨川書生頭白尚臨邊故人 天上
如相問竊祿行臺已二年

秋江罷釣圖

西風江上釣舟橫楓葉蘆花伴月明一醉頽然卧
無事不知潮落又潮生

畫鷹

蕭蕭來從紫塞遙星眸玉爪勢難招寄言鳥雀須
知避搏擊凌空在一朝

題劉尚文芝蘭呈瑞卷四首

野雲何意傍溪濱此日無因見老親誰謂芝蘭是
嘉瑞相看一度一傷神

金函 賜勅照人明知是劉君孝有成百歲浮生
容易過最難留得是芳名

愁心寂寞夜如年露溼松雲鶴未眠縱有椒漿奠
高塚難將一滴到重泉

純孝當年衆所知名公來此看蓮芝一封遠奏
天顏喜合把劉君作世師

桃化圖

東南何處是桃源細草春雲鎖洞門欲問劉郎當日事溪花相對兩忘言

歸山十詠次句容戴以德御史韻

十年魂夢遶林泉却望三茅隔遠天最愛角巾歸第日草堂飛鶴避茶烟

曾是清都舊謫仙人間踪跡滯流年紅塵匹馬長安道爭似山中白晝眠

經學應嫌左氏誇生徒誰謂馬融奢只今山斗推前輩已信文章有大家

翠微深處碧雲宮桂樹叢生一徑通見說秋風猿鶴待周顒歸老此山中

清風月色照人圓歡賞幽期未覺愆翠壁丹崖高萬仞相從無地可夤緣

飄然逸氣想人龍雲樹分明在眼中一棹歸來機事息海邊鷗鳥狎漁翁

世事無憑一悵然角巾頭上有青天繡衣脫却班衣在忠孝從來貴兩全

幾人林下早知休白日滄江繫我憂同社交游星

散盡直看一日是三秋

十年踪跡軟紅塵御史芳名重北門歸去溪山新作主風光不減浣花村

南遊烟月付毫端沂水金山次第看得失向來曾自許有官長卽似無官

攜琴圖

亭高地僻少塵侵滿眼鶯花春已淡留得素琴常在匣不須隨處覓知音

題松寄李亞卿德馨

虬姿偃蹇出雲端萬壑清風白晝寒十八年前懷舊夢紫薇垣裏繪圖看

枯木竹石

萬籟清風玉作團一拳似欲障狂瀾莫言古木無生意老幹終能保歲寒

題莊儀浦雲山圖

峩峩冠豸新恩命渺渺雲山舊驛亭歲晚襟期何處寫相看惟有竹青青

憶友

東隣咫尺斷來羈十日無由共一筵尚有冰壺秋
露白與君清賞及新年

寫竹圖送表倫王尚書南京禮部二首

歲晚交盟弟與兄春來頭角見崢嶸南宮奇絕無
塵到惟有清風慰遠情

佳麗江山倍有情琅玕蒼翠石頭城美人可望不
可見無奈月明湘水清

次包汝調韻

自愧非才濫省臺三年讀禮去還來月明千里相
望地疑是文星落上台

橋梓聯芳

兩木陰森 雨露覃枝聯山北與山南繪圖未盡
君家盛眼見科名父子三

送湯半村訪弟南還

秋風京國共襟期千里鄉關入夢思歲暮北來鴻
鴈杳因君重賦鶴鴒詩

帽塢籠烟

烟遶晴巒樹色遮宛然鶴髮戴烏紗清狂不是龍

山客步遍三峯日未斜

畫竹

宦遊京北夢江東雲白山青翠竹叢誰寫一竿生
意足定知千畝在胸中

題梅

紛紛紅紫作輿臺天遣瓊葩第一開莫問調羹他
日事宜風宜月且徘徊

蘇堤春曉

堤上如何却姓蘓東坡舊日岸西湖春風遺愛千

年在應與甘棠兩不孤

柳浪聞鶯

綠楊枝上鳥嚶嚶斷送春光是此聲更有幽人相
答和一般風味兩般情

竹石圖

山石清暉木後凋貞姿千尺欲凌霄竹君石友東
坡癖我得披圖慰寂寥

花港觀魚

爛熳紅花入港濃水雲深處隱簾櫳誰人解道濠

大和堂 卷之二
梁趣潏潏遊魚在眼中

南屏晚鐘

南山佳處榜南屏
佛國浮屠入杳冥
最好蒲團花雨後
一聲鐘磬出林坵

麴院荷風

麴院醲酣水不波
風翻翠蓋影如何
乾坤清氣渾如許
淡抹濃粧晚更多

題翠岩贈僧宗蕃

高厓蒼翠故依然
可是三生舊日緣
却笑塵中人易老
禪心山色自年年

平湖秋月

涵虛湖水秋欲平
影落金波到底清
下上天光同一碧
何人吹徹洞簫聲

雷峰夕照

中天積翠聳雷峯
威振羣陰氣所鍾
最好夕陽能返照
千林萬壑影重重

孤山雪霽

昔年逋老住孤山
野鶴閒雲共往還
寒到玉泉開

霽色梅花樹底聽潺湲

蓼花灘鵝圖爲馬方伯題

房相池邊憶舊羣
蓼花灘暖水泔泔
如今雖有千金價
不見當年王右軍

題倪月湖釣魚便面

江潭無人石生蘚
風月垂綸自舒卷
扁舟一水兩相忘
不向蘆花問淡淺

題曹魏武觀碑圖

魏武雄心世所知
紛紛逐鹿竟何爲
休論有智并無智
請看曹娥絕妙詞

題蔣文藻扇

數竿修竹綠猗猗
水石翛然物外奇
誰遣林塘落君手
畫圖相見一題詩

題李石城梅

東閣移栽品最多
西湖清淺爲誰波
杜陵已往逋仙去
縱有詩情奈爾何

題計廷策延陵懿範卷

婦道母儀難復得
令名千載重延陵
墓田花落東

風暮一度追思一恨增

題諸半菴漁父便面

林麓歲稔入艸堂
渭濱嚴瀨接微茫
阿翁罷釣歸來早
最好前山未夕陽

題李克成山水圖

道人兀坐寫黃庭
竹樹條然入眼青
忽向西圖思舊隱
移文休訝草堂靈

題顧復卿一鷺功名到白頭
扇面次呂九柏

韻

一鷺條然下碧湖
白頭飛鳥共成圖
世人若有瑕疵者
雪裏芭蕉有也無

大和堂

卷之二

九



